



Inatsisartunut Ilaasortaq Hans Enoksen  
**/Maani**

Avannaani aalisartut annaasaannik taarsiivigineqarsinnaanerit pillugu § 37 malillugu apeqquteqaammut 2010-272-imut akissut.

12. jan 2011  
Sagsnr. 2010-043537  
Dok. Nr. 540394

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

Inatsisartut suleriaasianni § 37 malillugu apeqquteqaateqarputit Avannaani aalisartut annaasaannik taarsiivigineqarniarnersut? Apeqquteqaat uannit akineqartussannagortinneqarpoq.

#### **Akissut:**

Ilisimatitsissutigisinnaavara Aalisarnermut, Piniarnermut Nunalerinermullu Naalakkersuisoqarfiup 2010-mi Uummannami aqutsiveqarfimmi sinerissap qanittuani qalerallinniarinnaanerit akuersissutit 313-it tunniunniukuugai aammalu Upernavimmi aqutsiveqarfimmi aalisarnermi tassani akuersissutit 343-t tunniunniukuullugit.

Ukiup pisassiiffiusup aallartinnerani aqutsiveqarfimmi Upernavimmi 6.000 tonsit pisassiissutigineqarput aammalu aqutsiveqarfimmi Uummannami 5.000 tonsit pisassiissutigineqarput, taakkulu ukiumi pisassiiffiusumi aalisarnerisinnapput. 2010-mi pisassiissutit taakku ukiut siuliinut sanilliullugu sukkanerusumik aalisarlugit nungunneqarput.

Pisassiissutit nalunaarutigineqartut aalisarlugit nungunneqaraangata aalisarnerpineqartoq unitsinneqartarpoq. Aqutsiveqarfimmi taakkunani pisassiissutit nungunneqarneri aalisarnerup unitsinneqarneranik kinguneqarpoq, taamaalillunilu tunisarneq unitsinneqarluni. Aqutsiveqarfimmi taakkunani marlunni pisassiissutit qaffanneqarput, ataatsimullu isigalugu 2009-mut sanilliullugu qalerallit amerlanerulaartut aalisarnerisinnallutik, tassa 299 tonsinik amerlanerit.

Uummannap Eqqaani 2010-mi pisassiissutinik 799 tons-inik amerlanerusunik pisaqartoqarsimavoq aammalu Upernaviup eqqaani 500 tons-inik amerlanerusunik pisasseqqittoqarluni, taamaalillunilu 2009-mut sanilliullugu aalisartut isertitaat amerleriarlutik.

Naatsorsuutigineqarsinnaangilaq pisassiissutinik sukkaasuumik nungutsineq nammineq isertitanik annaasaqarnermik kinguneqartoq, aalisartunut imaluunniit tunisassiorfinnut aalisakkanik tunitsiviusunut. Uani pineqarpoq aalisartut pisiortortullu ataatsimut isigalugu ukiut siuliinut sanilliullugu isertitaat allanngunngitsut, akerlianilli ukiup siulianut sanilliullugu pisaasa nalingat

amerleriarput pisassiissutit amerlanerummata assigiinngissutaaginnarlunilu piffissap isertitsiviusup allanngornera. Tassa ukiumut isertitat qaammatini qulingiluani siullerni isertinneqarput. Taamaalillunga tamanna tunngavigalugu pisuni taaneqartuni annaasaqartoqarsimasinnaanera takusinnaanngilara, taamaammallu annaasanik taarsigassaqarani.

Aalisartut qaammatini pingasuni aalisarsimangitsut taamaammallu akiligassaminnik kinguaattoortut eqqarsaatigalugit erseqqissaatigerusuppara isertitaqannginnermut Naalakkersuisut taarsiisussaataitaanngitsut. Oqaatigineqareersutut isumaqarpunga aalisartut isertitaqareersut, taakkulu siusinnerusukkut isertinneqaannarsimasut.

Sumiiffiit ilaanni qimminut nerukkaatissat amigaataanerannik paasisutissat eqqarsaatigalugit ilisimatitsissutigisinnaavara qimminut nerukkaatissanik killeqanngitsumik aalisarsinnaaneq periarfissaajuartoq. Aalisakkat aalisarneqartut qimminullu nerukkaatissatut atorneqartut pisassiissutinit ilanngaataaneq ajorput, taamaammallu qimminut nerukkaatissanik pissarsinissaq tunngaviusumik tamatigut periarfissaqarpoq.

Nunatsinni sumiiffinni tamarluinnangajanni amminik tunisisarnermut tunngatillugu tassunga ilanngullugu ajornartorsiuteqartoqarnera eqqaavat. Tassunga tunngatillugu ilisimatitsissutigisinnaavara siunertamut tassunga ilassutitut aningaasaleeqqittoqarnissaa Naalakkersuisut marloriarlutik qinnuteqaatiginikuugaat. Qinnuteqaatit taakku marluk akuerineqarput, taamaalillunilu puisit amiinik tunisinermut katillugit 3 millioner koruunit ilassutitut aningaasaliissutigineqarput. Amminik tunisinermut tapiissutit ilaneqarnissaannut Naalakkersuisut maannakkut periarfissaqanngillat, Naalakkersuisullu piniartunut tunisinerup matuneqarnerani eqqugaasunut taarsiisinnaanngillat.

Inussiarnerusumik inuulluaqqusillunga

Ane Hansen